

**Gundersen Health System**  
**Gundersen St. Joseph's Lub Tsev Kho Mob Loj thiab Cov Tsev Kho Mob Me**  
**Sua Lus Txog Lus Ntsiab Tseem Ceeb ntawm Tsab Cai Txog Kev Pab Nyiaj Them Nqi (Financial Assistance Policy)**

Gundersen St. Joseph's Lub Tsev Kho Mob Loj thiab Cov Tsev Kho Mob Me yog ib lub koom haum uas muaj lub hom phiaj los muab kev pab kho tus neeg mob, kev kawm, kev tshawb fawb thiab los ntawm kev txhim kho txoj kev noj qab haus huv hauv cov zej zos uas peb pab. Gundersen St. Joseph's Lub Tsev Kho Mob Loj thiab Cov Tsev Kho Mob Me yuav yog ib qho chaw muab kev pab uas zoo heev, uas tau kev lees paub thoob plaws hauv teb chaws txog kev txhim kho txoj kev noj qab haus huv thiab kev noj qab nyob zoo ntawm peb cov neeg mob thiab lawv lub zej zos. Peb muaj kev ruaj siab los muab kev kho mob thaum muaj xwm ceev thiab kev kho mob uas yuav tsum tau kho rau cov neeg mob tsis hais seb lawv puas muaj peev xwm them taus. Rau cov neeg mob, thiab cov neeg uas them rau tus neeg mob cov nqi, uas tsis muaj nyiaj txaus, Gundersen St. Joseph's Lub Tsev Kho Mob Loj thiab Cov Tsev Kho Mob Me tau tsim ib txoj kev pab nyiaj los pab lawv them lawv cov nqi kho mob.

### **Kev Tsim Nyog**

Cov neeg mob ntawm Gundersen St. Joseph's Lub Tsev Kho Mob Loj thiab Cov Tsev Kho Mob Me uas tsev neeg cov nyiaj tau hauv ib xyoo nws tsawg dua peb npaug ntawm nom tswv teb chaws tus qauv teeb tseg txog feem txom nyem (federal poverty level), thiab muaj cov cuab tam raws li hauv qhov uas tsuas pub muaj ntawd mas yuav tsim nyog rau Gundersen St. Joseph's txoj kev pab nyiaj them nqi. Yog xav paub ntiv txog cov qauv txog feem txom nyem rau tam sim no, thov mus xyuas ntawm Assistance Secretary for Planning and Evaluations of the US Department of Health and Human Services lub vas sab (website) ntawm <http://hhs.gov>.

### **Hom Kev Pab**

Yuav suav tsev neeg cov nyiaj tau thiab cov cuab tam thaum uas txiav txim txog kev tsim nyog rau kev pab nyiaj. Muaj kev pab kho mob dawb rau cov neeg uas muaj cov cuab tam tsawg thiab tsev neeg cov nyiaj tau nws sib npaug nrog los sis tsawg tshaj peb npaug ntawm nom tswv teb chaws tus qauv teeb tseg txog feem txom nyem. Cov neeg mob uas tsis muaj raws li cov qauv hais txog kev tsim nyog no, tiam sis muaj cov nqi kho mob ntau heev, tej zaum yuav tsim nyog rau kev pab rau kev puas tsuaj loj heev.

### **Cov Nqi Tsub rau Cov Neeg Mob Uas Tsim Nyog rau Kev Pab Nyiaj**

Cov neeg mob uas tsim nyog rau kev pab nyiaj, tiam sis tsis muaj ntawv kho mob, mas tej zaum yuav tau kev txo nqi rau Gundersen St. Joseph's Lub Tsev Kho Mob Loj thiab Cov Tsev Kho Mob Me cov nqi kho mob thaum muaj xwm ceev thiab kev kho mob thaum uas yuav tsum tau kho uas sib npaug nrog tus nqi tsub rau cov neeg mob uas muaj kev tuav pov hwm, tshwj xeeb cov uas kam them los ntawm Medicare thiab/los sis cov neeg uas yuav ntawv kho mob sab nraud.

### **Yog Xav Paub Ntiv**

Muaj cov lus qhia txog Gundersen St. Joseph's Lub Tsev Kho Mob Loj thiab Cov Tsev Kho Mob Me tsab cai txog kev pab nyiaj thaum uas thov txog. Muaj Gundersen St. Joseph's daim ntawv thov nyiaj nyob

hauv peb lub vas sab ntawm <http://www.gundersenhealth.org/st-josephs/billing-information>

Yog xav thov kom tau tsab cai txog kev pab nyiaj, daim ntawv thov kev pab nyiaj, los sis kev pab teb daim ntawv thov kev pab, nug tau rau:

**Gundersen St. Joseph's Hospital and Clinics**  
**Patient Financial Services PO Box 527**  
**Hillsboro, WI 54634**  
**(608) 489-8198**

**QHOV PUB TXOG RAU NYIAJ TAU**

Cov zauv nram qab no yog raws 2016 HHS feem txom nyem uas tau luam tawm nyob rau hauv Nom Tswv Cov Ntawv Teev (Federal Register) thaum Lub Peb Hlis Ntuj Tim 1, 2017.

Tsawg leej hauv tsev neeg	100% Tus Qauv Txog Feem Txom Nyem	150% ntawm Feem Txom Nyem	200% ntawm Feem Txom Nyem	250% ntawm Feem Txom Nyem	300% ntawm Feem Txom Nyem	Cuab Tam Qhov Pub Txog
1	\$ 12,060	\$17,820	\$ 24,120	\$ 30,150	\$35,640	\$ 72,360
2	\$ 16,240	\$24,030	\$ 32,480	\$ 40,600	\$48,060	\$ 97,440
3	\$ 20,420	\$30,240	\$ 40,840	\$ 51,050	\$60,480	\$ 122,520
4	\$ 24,600	\$36,450	\$ 49,200	\$ 61,500	\$72,900	\$ 147,600
5	\$ 28,780	\$42,660	\$ 57,560	\$ 71,950	\$85,320	\$ 172,680
6	\$ 32,960	\$48,870	\$ 65,920	\$ 82,400	\$ 97,740	\$ 197,760
7	\$ 37,140	\$55,095	\$ 74,280	\$ 92,850	\$ 110,190	\$ 222,840
8	\$ 41,320.00	\$ 61,335	\$ 82,640	\$ 103,300	\$ 122,670	\$ 247,920

Rau cov tsev neeg uas muaj coob tshaj 8 leej neeg, ntiv \$4,160 rau ib tug neeg tshaj twg.